

De N...  
nu  
rüs  
II C  
1396

RECTOR  
ACADEMIAE VITEMBERGENSIS  
CHRISTOPHORVS  
HENRICVS  
ZEIBICHIVS


SS. THEOL. DOCT. ET PROF. PVBL. ORDIN  
REG. ELECTOR. CONSISTORII ASSESS. TEMPL  
OO. SANCTORVM PRAEPOSITVS ORDINIS  
QVE SVI H. T. DECANVS

CIVIBVS ACADEMICIS

S P D







Ascendet in concionem, ubi fiunt eruditorum circuli, Magister Sapientiae Clarissimus, IOANNES GOTTLIEB SCHVBARTVS, Citiensis Misnicus, ut publice de Vera Munificentia dicat, quam, manifestis indiciis cognitam, in Pietate Volframsdorffia reperire sibi uideatur. Cuius institutum cum maiorem in modum comprobem, tum, rationibus uniuersae munificentiae circumspicis, plura quidem eius genera animaduerto, illam tamen munificentiam laude in primis dignam iudico, quae conferatur in ALIMENTA hominum, egestate preforum. Cum enim naturalis quaedam cognatio inter homines intercedat, quae mutuae humanitatis officia postulat, nae illi rationis humanae dignitatem praeter ceteros sustinere uidentur, qui bene de fociis mereri student, suis eos sustentantes opibus, qui necessaria uitae tuendae praesidia non habent. Hoc igitur semper optimo cuique curae fuit, ac Principibus potissimum Regibusque praestantissimis, tum iustum aequumque est uisum, tum gloriosum, ut, cum auaritia mentes humiliores ad custodiam pecuniae restringeret, illi, altioribus animis praediti, copiis suis optime sibi uiderentur uti, si tenuiores iis adiuuarent. Hac mente ueteres Romanorum Imperatores instituerunt Alimentarios suos, quorum multa est memoria, in monumentis antiquis. Eosdem, uidemus, alias Caesarum Alumnos, alias Pueros Curiae, dici, in locis Marmorum haud obscuris. Atque hi quidem Alimentarii Imperatorum nomine insigniri solebant, quorum beneficio fiebant, ut Pueri Puellaeque VI-  
piani



piani in Lapide uetusto. Vtrisque enim Traianus Alimenta, Numis in Alimentis Italiae laudata, detulit, quibus Hadrianus incrementum liberalitatis adiecit. Maxime tamen hi, Caesarea pietate aliquondam soliti, eorum nominibus appellati sunt, quorum honori fuerant lecti. Antoninus Pius Puellas Alimentarias dedit honori Faustinae, uxoris, quas Faustianas nominauit. Haespectantur in Numismatis, et Pueri Puellaeque, Alimentarii, in Tabulis antiquis. Aemulatus Antoninum Pium, Marcus Aurelius, nouas Puellas Faustianas munere suo constituit, quae memoriam Faustinae minoris ornarent. Neutra tamen Faustina, neque mater impudica, nec filia, matre lasciuior, maritorum existimationi fuerunt tam faustae, ut par esset, iis tantam pro meritis gratiam referri. Alexander autem Seuerus Mammaeanos Pueros Puellasque delegit, ut matris, adhuc uiuentis, nomen honestaret. *Equidem haud ignoro, multis eruditissimorum persuasum esse, hos utriusque sexus Mammaeanos, illasque Faustianas Puellas, fuisse Sacerdotes Diuarum.* Sed, ne morer, rogandi erant homines doctissimi, ut prisca fide docerent, Sacerdotes Diuae Faustinae, quas narrant Marmora, Faustianas Puellas fuisse. Has enim, in Aere prisco, cernimus, Imperatori astantes, alimenta capientes. Marcus praeterea, Verusque, Pueros ac Puellas, Alimentarios, sumunt, ut, nouo coniuncti communicatque imperii exemplo, commendent memoriam concordiae, in societate regni uulgo desideratae. Sic Imperatores Pueris Puellisque alimenta largiuntur, diuersis de caussis, quarum uel grauitate, uel leuitate, fit, ut illorum largitio in utramque partem existimetur. Sed omni recte faciendi dubitatione,  
omni



FK Tt. 1396

x 2986706

omni cauffarum exceptione, liberantur uiri pri-  
 scae memoriae illustres, qui suis facultatibus in-  
 opiam subleuarunt egentium, uel in nutrien-  
 do, uel in erudiendo, uel in utroque. Plu-  
 rimum personam gerat Plinius Caecilius, qui di-  
 gnitate, ingenio, fama, Quiritium quam plu-  
 rimis antistat. Singularem huius benignitatem Sa-  
 xa literata posteris tradunt, quem munificum, o-  
 stendunt, fuisse in Alimentum Puerorum et Puel-  
 larum Plebis Vrbanae. Sed ipse hic, gente, Secun-  
 dus, in literis ad Pompeium Saturninum datis, An-  
 nuos Sumptus in Alimenta ingeniorum promittit,  
 repudiata sapienter istorum dementia, qui Ludis,  
 et Gladiatoribus, liberalitatis usum perdant, oculo-  
 rum lenocinantes auriumque uoluptati. Ea uero  
 re nihilo minorem animi magnitudinem, quam pe-  
 cuniae utendae et collocandae prudentiam, decla-  
 rat. Sed nihil aliud facit, quam fecit apud nos  
 Volframdorffius, instituto Sodalitatis Ornatissimae  
 conuictu.

Hanc igitur beneficentiam, cuius  
 ipse fructum capit, merito ueneratur ille, a quo su-  
 mus orfi, Schubartus, hanc merito Oratione Anni-  
 uersaria celebrat, ac posteris ad imitandum propo-  
 nit.

Craftino dicturus est, in Auditorio Ma-  
 iore, Hora temporis matutini nona, cui, minime du-  
 bitamus, quin uos, CIVES, pro solita humanitate  
 uestra, beneuole audiendi studium nauare frequen-  
 tissimi uelitis. P. P. tertio Idus Decembres,

A. R. S. CIO IO CC XL

---

VITEMBERGAE  
 PRELO EPHRAIM GOTTLOB EICHSFELD  
 ACADEMIAE A TYPIS

no





FR. 126. 11

De Mementanis Veter.

De Mementanis Veter.  
nu  
ria  
II c  
1396

RECTOR  
ACADEMIAE VITEMBERGENSIS  
CHRISTOPHORVS  
HENRICVS  
ZEIBICHIVS

SS. THEOL. DOCT. ET PROF. PVBL. ORDIN  
REG. ELECTOR. CONSISTORII ASSESS. TEMPL  
OO. SANCTORVM PRAEPOSITVS ORDINIS  
QVE SVI H T DECANVS

CIVIBVS ACADEMICIS  
S P D

